

postojanja religije. No, da se ja vratim na posjetu pape. Sve je proteklo u najboljem redu. Nije bilo nijednog incidenta. Zvuči impresivno, s obzirom na naša prijašnja iskustva, kada su vjerske svečanosti u pitanju. Nama u prilog ide i informacija, da su incidenti prilikom posjete pape katoličkim zemljama česta pojava. Moram priznati da je čitava ceremonija jako lijepo zamišljena i realizovana. Konačno smo se u očima čitavog svijeta predstavili kao civilizovan i normalan narod.

Krajem juna uslijedilo je još jedno prijatno iznenađenje. To je bio koncert rock grupe Van Gogh, na kome se okupilo nekoliko hiljada ljudi (uglavnom omladine).

Konačno smo i pokazali da se možemo dobro provesti i bez krkljanca. Ako izuzmem, vješanje po reflektorima, učinjeno od strane uvijek istih aktera, koncert je bio za svaku pohvalu.

Opazio sam i to da su se mnogi srednjoškolci zaposlili ovog ljeta. Ovo zaista zasluhuje pažnju, i divljenje. Međutim, mnogi koji su se željeli zaposliti,

ostali su kratkih rukava. Današnja omladina je često bila izložena kritikama, kako neće ništa da radi. I, sada kada svi hoće nečim da se bave, nema posla. Ha, ja sad stvarno ne znam, ko je ovdje lud?! Dajte, nam, ljudi, priliku, pa ćemo vam pokazati svoje mogućnosti. Ko se zaposlio neka mu je sa srećom, ali i ko nije neka mu je takođe sa srećom. Ostalo je još mjesec dana ovog divnog ljeta. Pred nama je još sijaset festivala, koncerata, izložbi i ostalih događaja, pa navalimo da naučimo mnogo toga novog, ali i da upoznamo mnogo interesantnih ljudi, žena.....

